

պարտաւորեցինք նոյնիսկ դրան սահմանակից մեր տէրիտորիայում (Վէրի Բասար) զօրք չպահել:

Նոյն խաղը խաղալու լուրջ պատրաստութիւններ են տեսնում թուրքերը այժմ Սուրմալուում...

Ղարաբաղը բրիտանական հովանաւորութեան տակ Ագրբէջանի գեներալ-նահանգապետութեան մէջ է դրուում:

Ախալցխան, Ախալքալաքը Բաթում—Կարսի թրքութեան ձեռքն են անցել ռազմական եղանակով՝ վրացիների զօրքերը պարտուելով:

Այսպիսով, Անդրկովկասի թրքութիւնը բրիտանական զօրահրամանատարութեան օրով աւելի նպաստաւոր պայմանների մէջ է գտնուում, քան գերման-օսմանեան յաղթական օկուպացիայի ժամանակ:

Փաստեր ու հանգամանքներ են սրանք, որոնք լուրջ մտածմունքների և ծանր մտատանջութիւնների տեղիք են տալիս մեզ...

Անշուշտ, գլխաւորագոյն պատճառը անգլիական գինւած ուժերի թուլութիւնն է այստեղ: Ինչպէս Կերմանիան ամռան ու աշնանը տեղի էր տալիս թիւրք հրամանատարութեան պահանջների ու քմահաճոյքների առաջ, այնպէս էլ այժմ անգլիական գեներալներն են նահանջում օսմանեան օֆիցէրների այս նւաճողական ծրագրիները և գործունէութիւնների առաջ... Որովհետև արձանադրածս փաստերը հայերի յաղթահարումը չէ միայն, այլ աւելի ևս Անգլիայի պարտութիւնը: Բրիտանական զօրական նահանգապետութիւնները լոկ մի քող են, նուրբ ու թափանցիկ, որի տակից պարզ երևում է իրական թուրքական իշխանութիւնն ու ոյժը:

Սակայն, թոււմ է թէ մի ուրիշ պատճառ էլ կայ: Անգլիացին չէ հաւատում հային, աւանդաբար համարելով սրան անուղղելի ռուսասէր, ռուսական օրիէնտացիայի անյողդողդ հեամատող... Բնորոշ է, որ դեն-Փօրէստիէ Ռեօկկերի պահանջով Կամաւորական Զօրաբանակի ներկայացուցիչը հեռացաւ Երևանից դէպի Եկատերինոպոլս. այդ մի նոր փաստ է ապացուցանելու Անգլիայի ունեցած վերաբերմունքը դէպի Ռուսիայի ներկայութիւնը Անդրկովկասում: Այն համարումն ու այս վերաբերմունքն է, որ արամադրում է բրիտանական զօրահրամանատարութեան չնպաստել մեր ուժերի կազմակերպմանը և զօրեղացմանը թուրքութեան դէմ Անդրկովկասում, որովհետև թուրքն է նրա աչքում ամենալստահելի պատուարը Ռուսիայի դէմ այստեղ: Նա գիշում էր մեզ Կարսը, բայց հէնց որ տեսաւ, որ այնտեղ աւելի վստահելի և ոչ աննշան հակառուսական ոյժ կայ յանձին թրքութեան, իսկոյն շտապեց ուղղել իր այդ սխալը. Կարսը տւեց թուրքերին... և ոչ միայն Կարսը:

Կարսի նահանգի համար բրիտ. զօրահրամանատարութիւնը մինչև 1000 հոգուց բաղկացած միլիցիա է կազմակերպում. հաւաքում է տարրեր, որոնք կը ծառայեն իրեն ռոճիկի համար, առանց քաղաքական ձգտումների (օրինակ, օտեր, ռուս հին ստրաժնիկներ). հայի չեն ընդունում «առ այժմ», որովհետև տեղական թուրքերը զրգուած են հայերի դէմ (այս է պաշտօնական պատճառարանութիւնը), բայց թոււմ է, թէ Անգլիան չէ ուզում յենեւի որևէ հայ ուժի վրա, որովհետև իր կարծիքով (և, դժբախտաբար, ոչ միայն իր կարծիքով) հայն աւելի է ռուս, քան ռուսն ինքը, և չէ կարելի յենեւի հայի վրա, երբ Ռուսիայի դէմ բան է ծրագրուում:

Մեր հաւատարիմ վերաբերմունքը դէպի Ռուսիան գիտէք թէ ինչ չափով է դնահատուել և մեզ օգուտ բերել. գիտէք, որ ներկայիս այդ վերաբերմունքը չէ կարող սոսկ պղատոնական սիրոյ չնմանուել, որը ունայն է և անիրական փոխադարձաբար. սակայն, անօգուտ լինելով՝ վնասակար է այսօր և վաղը, իսկ վաղը չէ միւս օրը թէ ինչ է լինելու, ոչ ոք չի իմանում: